

MURUNGSI SRIAD KUALA LANGAT, SEPANG:
NURUL FIRDAUS KHAIRI • 019-8860920/ 019-3371066

DIARAKHON... KUALA LANGAT, SEPANG



'Bak irama dan lagu'

Mural dilukis sempena kenang jasa guru harumkan nama SK Sungai Kelambu

KUALA LANGAT - Sempena memperingati jasa seorang guru, Sekolah Kebangsaan (SK) Sungai Kelambu menghasilkan mural berkonsepkan bunga dan alat muzik di Blok C sekolah berkenaan.

Guru Besarnya, Rozanah Abd Razak berkata, mural itu dilukis sempena mengenang jasa Mohd Asri Sulaiman yang merupakan tenaga pengajar kepada pasukan rekorder sekolah yang berjaya mengharumkan nama sekolah itu ke peringkat negeri dalam Pertandingan Assemble Sekolah Rendah Tahun 2014.

Ber cerita mengenai maksud tersirat di sebalik mural berkenaan, Rozanah berkata, bunga dan alat muzik rekorder yang dilukis itu diumpamakan seperti irama dan lagu.

"Bak kata pepatah irama dan lagu tak dapat dipisahkan, begitu juga dengan gambar-gambar berkenaan.

"Ia harmoni, saling melengkapi, dan hasil paduan warna itu bukan saja melahirkan warna-warna baru sebagai ekspresi seni tetapi turut melambangkan pembelajaran abad ke-21 yang memerlukan semua pihak berinovasi agar dapat lahirkan anak-anak didik berwawasan," katanya.

Jadi tarikan pengunjung

Menurutnya, mural itu berjaya di realisasikan hasil idea dan kerjasama guru-guru dibantu oleh pelajar Akademi Seni Budaya dan Warisan Kebangsaan (Aswara).

Rozanah berkata, kelainan mural berkenaan jadi tarikan



kepada pengunjung setiap kali tiba di sekolah itu untuk mengetahui maksud tersirat.

"Jadi bila ade yang tanya, kami akan jawablah...ramai juga kata kami kreatif hasilkan mural yang berbeza. Paling seronok bila ada guru kami yang merakamkan mural itu dan hantar ke peraduan GPS Bestari kategori mural paling kreatif dan kami dapat lima terbaik pula tu...memang rezeki kamilah," katanya.

Pencapaian terbesar

Sementara itu, Pengerusi Persatuan Ibu Bapa dan Guru (PIBG) sekolah itu, Ramdzan Sajat berkata, dia yang sudah memegang jawatan pengerusi PIBG sejak 2012 mengakui menjadi top 5 dalam kategori mural paling kreatif Anugerah GPS Bestari itu antara pencapaian terbesar yang pernah dicapai sekolah.

"Saya pun tak sangka dua penyertaan dalam Anugerah GPS Bestari yang disertai sekolah ini termasuk satu lagi kategori Kelas Paling Ceria juga dapat tempat sebagai lima terbaik.

"Sekarang kita dah buktikan, sekolah yang berada di pedalaman juga boleh raih apa saja pencapaian," katanya.

Ramdzan berkata, dia berharap sekolah itu bakal bergelar johan lebih-lebih lagi pertandingan itu menawarkan hadiah yang lumayan.

"Jika jadi johan sudah tentu ia jadi penyuntik semangat kepada kami. Dan kami anggap ia sebagai platform membawa nama sekolah ini pada mata umum," katanya.



ROZANAH

DAFTAR HARI INI!

Nak Jadi Super Hebat?

JOM CHILLEX TALK

BERSAMA HM TUAH ISKANDAR al-Haj
MOTIVATOR YANG MENCATAT NAMA DALAM MALAYSIA BOOK OF RECORDS - 'BITAQAH YAUMIYAH'

YURAN PENYERTAAN RM 200 PERCUMA*
Untuk Pendaftaran 013 3331502

17 DISEMBER 2016 (SABTU)
9.00 PAGI - 4.00 PETANG

PERPUSTAKAAN RAJA TUN UDA,
JALAN KELAB GOLF 13/6, SEKSYEN 13, SHAH ALAM.

***ANDA CUMA PERLU BAWA 1 JUDUL BUKU DI BAWAH**









Karya Bestari Sdn Bhd
www.karyabestari.karangkraf.com

Dengan Kerjasama

Aswara

Sekolah Melayu




